

全上古三代秦漢三國六朝文

全晉文卷五十六

烏程嚴可均校輯

袁瓌

瓌字山甫，準兄孫。懷帝時爲呂令，轉江都。元帝承制，召爲丹陽令。中興建拜奉朝請，遷治書御史，除廬江太守。王敦引爲諮議參軍，除臨川太守。明帝時，爲卞敦鎮南軍司。後去職。成帝時起兵，拒蘇峻，封長合鄉侯，徵拜散騎常侍，徙大司農，除國子祭酒，致仕卒。贈光祿大夫，諡曰恭。

上表請禁斷招魂葬

故尚書僕射曹馥沒于寇亂，嫡孫胤不得葬屍，招魂殯葬，伏惟聖人制禮，因情作教。故梓周于棺，棺周于身，然則非身無棺，非棺無梓也。胤無喪而葬，招幽魂氣，于德爲愆義，于禮爲不物。監軍王崇、太傅司馬劉洽皆招魂葬，請臺下禁斷。

通典一百三元
帝建武二年

上疏請建國學

臣聞先王之教也。崇典訓。弘遠代。明禮學。已示後生。所已導萬物之性。賜爲善之道也。宗周旣興。文史載煥。端委治于南蠻。頌聲溢于四海。故延州入聘。聞雅音而嗟咨。韓起適魯。觀易象而歎息。何者。立人之道。于斯爲首也。孔子恂恂。道化洙泗。孟軻皇皇。誨誘無倦。是已仁義之聲。于今猶存。禮讓之節。千載未泯。疇昔皇運。陵替喪亂。屢臻儒林之敎。整頓庠序之禮。有關國學。索然墳籍。莫啟有心之徒。抱志無由。昔魏武帝身親介冑。務在武功。猶尙息鞍披覽。投戈吟詠。已爲世之所須者。治之本宜。崇況今陛下已聖明臨朝。百官已虔恭莅事。朝野無虞。江外謐靜。如之何泱泱之風。漠然無聞。洋洋之美。墜于聖世乎。古人有言。詩書義之府。禮樂德之則。實宜畱心經籍。闡明學義。使諷誦之音。盈于京室。味道之賢。是則是詠。豈不盛哉。若得給其宅地。備其學徒。博士僚屬。粗有其官。則

臣之願也晉書袁宏傳宋書禮志一咸康三年國子祭酒袁瓌太常馮懷上疏

袁喬

喬字彥叔小字羊環子拜佐著作郎桓溫爲輔國將軍請爲司馬除司徒左曹屬不拜遷尙書郎溫鎮京口復引爲司馬領廣陵相遷安西諮議參軍長沙相不拜尋督沔中諸戍江夏隨義陽三郡軍事建武將軍江夏相與平蜀功進號龍驤將軍封湘西伯卒年三十六贈益州刺史諡曰簡有毛詩注若干卷論語注十卷集七卷

江賦序

吳時有錢約釣于牛渚獲一金鎖引之則金牛汎然而出約懼而釋因曰爲名御覽八百九十九

與左軍褚裒解交書

皇太后踐登正祚臨御皇朝將軍之于國外姓之太上皇也至于

皇子近屬咸有揖讓之禮而汎策名人臣而交媒人父天性攸尊亦宜體國而重矣故友之好請于此辭染絲之變墨翟致懷岐路之感楊朱興歎況與將軍游處少長雖世譽先後而臭味同歸也平昔之交與禮數而降箕踞之愴隨時事而替雖欲虛詠濠肆脫落儀制其能得乎來物無停變化遷代豈惟寸晷事亦有之夫御器者神制眾已約願將軍怡情無事已理勝爲任親仗賢達已納善爲大執筆惆悵不能自盡

晉書袁喬傳
御覽四百十

勸桓溫伐蜀

夫經略大事故非常情所具智者了于胸心然後舉無遺算耳今天下之難二寇而已蜀雖險固方胡爲弱將欲除之先從易者今派流萬里經歷天險彼或有備不必可尅然蜀人自己斗絕一方恃其完固不脩攻戰之具若已精卒一萬輕軍速進比彼聞之我已入其險要李勢君臣不過自力一戰擒之必矣論者恐大軍旣

西胡必闕觥此又似是而非何者胡聞萬里征伐已爲內有重備必不敢動縱復越逸江渚諸軍足已守境此無憂矣蜀土富實號稱天府昔諸葛武侯欲已抗衡中國今誠不能爲害然勢據上流易爲寇盜若襲而取之者有其人眾此國之大利也

吾言書袁喬傳

袁豹

豹字士蔚準玄孫初爲著作佐郎歷衛軍桓謙大將軍武陵王遵記室參軍後爲孟昶建威司馬轉司徒左西屬遷撫軍劉毅諮議參軍領記室轉撫軍司馬遷御史中丞代孟昶爲丹陽尹坐事降爲太尉諮議參軍轉長史義熙九年卒追封南昌縣子

四府君遷主議

仍舊無革殷祠猶及四府君情理爲允

宋書禮志三

大田議

國因民已爲本民資食目爲天修其業則教興崇其本則末理實

爲治之要道致化之所階也不敦其本則末業滋章飢寒交湊則廉恥不立當今接纂僞之末值凶荒之餘爭源既開凋薄彌啟榮利蕩其正性賦斂罄其所資良時無側趾之耦比屋有困餒之患中閒多故日不暇給自卷甲御馬甫一二年積微之黎難用克振實仁懷之所矜恤明教之所爰發也然斯業不修有自來矣司牧之官莫或爲務俗吏庸近猶秉常科依勸督之故典迷民情之屢變譬猶脩隄曰防川忘淵上之改易膠柱于昔弦忽宮商之乖調徒有攷課之條而無豪分之益不悟清流在于澄源止輪由乎高闕患生于本治之于末故也夫設位曰崇賢疏爵曰命士上量能曰審官不取人于浮譽則比周道息游者言歸游子既歸則南畝闢矣分職曰任務置吏曰周役職不曰無任立吏必曰非用省冗散者廢則萊荒墾矣器曰應用商曰通財勦靡麗之巧棄難得之貨則彫僞者賤穀稼重矣耕耨勤悴力殷收寡工商逸豫用淺利

深增買販之稅薄疇畝之賦則未技抑而田峻喜矣居位無義從之徒在野靡并兼之黨給賜非可恩致力役不入私門則游食者反本肆勤自勸游食省而肆勤眾則東作繁矣密勿者甄異怠慢者顯罰明勸課之令峻糾違之官則懶惰無所容力田有所望力者欣而惰者懼則穡人勸矣凡此數事亦務田之端趣也莅之曰清心鎮之曰無欲勸之曰弗倦翼之曰廉謹舍日計之小成期遠致于莫歲則澆薄自淳心化有漸矣

宋書袁湛傳

爲宋公檄蜀文

夫順德者昌逆德者亡失仁與義難曰求安馮阻負釁鮮克有成詳觀自古隆替有數故成都丕世祀華陽無興國日者王室多故夷羿遘紛波振塵駭覃及遐裔最爾譙縱編戶黔首同惡相求是崇是長肆反噬于州相播毒害于民黎俾我西服隔關皇澤自義風電靡天光反輝昭哲舊物烟燼區宇曰庶務草創未遑九伐自

爾日來奄延十載而野心不革伺隙乘閒招聚逋叛共相封殖侵擾我蠻獠搖蕩我疆坐我是日有治州之役醜類盡殲匹馬無遺桓謙折首譙福鳥逝奔伏巢穴引頸待戮當今北狄露晡南寇埃埽朝風載戢庶績其凝康哉之歌日熙比屋之隆可詠孤職是經略思一九有眷彼禹跡願言載懷奉命西行途戾荆郢瞻望巴漢憤慨交深清江源于濫觴澄氛禔于井絡誅叛柔遠今也其時卽命河間太守蒯恩下邳太守劉鍾精勇二萬直指成都龍驤將軍臧熹戎卒二萬進自墊江益州刺史朱齡石舟師三萬電曜外水分遣輔國將軍索邕率漢中之眾濟自劍道振威將軍朱客子提廬州之銳渡瀘而入神兵四臨天網宏掩衡翼千里金鼓萬張組甲貝冑景煥波屬華夷百濮雲會霧臻日此攻戰誰與爲敵況又奉義而行日順而動者哉今三陝之隘在我境內非有岑彭荆門之險彌入其阻平徭四達實無鄧艾綿竹之難山川之形抑非曩

日攻守難易居然百倍。當全蜀之疆。士民之富。子陽不能自安于庸。樊劉禪不敢竄命于南中。荆邯折謀。伯約挫銳。故知成敗有數。非可智延。此皆益土前事。當今元龜也。盛如盧循。強如容超。陵威南海。跨制北岱。樓船萬艘。掩江蓋汜。鐵馬千羣。充原塞隰。然廣固之攻。陸無完雉。左里之戰。水靡全舟。或顯戮京畿。或傳首萬里。故知逆順有勢。難呂力抗斯又目前殷鑑。深切著明者也。梁益人士咸明王化。雖驅迫一時。本非與主從之淫虐。日月增播。刑殺非罪。死已澤量。而待命寇讎之戮。舐脰豺狼之吻。豈不遡誠南凱。延首東雲。普天有來。蘇之幸而一方懷後予之怨。王者之師。呂仁爲本。舍逆取順。爰自三驅。齊斧所加。縱身而已。其有衿甲反接。自投軍門者。一無所問。士子百姓。削肆安堵。審擇吉凶。自求多祐。大信之明。皦若朝日。如其迷復姦邪。守愚不改。火燎孟諸。芝艾同爛。河決金隄。洲上同體。雖欲悔之。亦將何及。宋書袁湛傳

袁崧

崧字山松，喬孫。嗣爵湘西伯。安帝時，爲祕書丞，歷宜都太守。吳國內史死，孫恩之亂，有後漢書一百卷，集十卷。

歌賦

朱脣不啟，皓齒不離。清氣獨轉，妍弄潛移。或似停而不留，或如疾而不馳。藝文類聚四十三

酒賦

素醪玉潤，清醕淵澄。纖羅輕布，浮蟻競升。□□□□□□。馨桂發而蘭興。書鈔一百四十八

圓扇賦

飄擬融□□□。放同類逸雲。輕風喟喟，羅袂紛紛。書鈔一百三十四

荅桓南郡書

嘯有清淨之美，而無控引之深。歌窮測根之致，用之彌覺其遠。至

乎吐辭送意曲究其奧豈屑吻之切發一往之清冷而已哉若夫
阮公之嘯蘇門之和蓋感其一奇何爲徵此一至大疑嘯歌所拘

耶

魏文類聚十九御覽三百九十二

白鹿詩序

荆門山臨江皆絕壁峭峙壁立百餘丈互帶激流禽獸所不能履
北岸有一白鹿鹿涸過江行人見之乘刀競逐謂至山下必得鹿
忽然若飛超岡而去于今此壁謂之白鹿山詩曰白鹿乃在上林
西苑中射工尙復得脯臘之黃鵠摩天極高飛後宮尙得烹煮之
載文類聚九十
五御覽九百六

後漢書光武紀論

前漢自成哀已下而天地縱橫巨滑竊命劉氏舊澤雖在而瞻仰
之望殆絕世祖已渺渺之盾起于白水之濱身屈更始之助位與
羣豎并列于時懷璽者十餘建旗者數百高才者居之南面疾足

者爲之王公茫茫九州瓜分鬱切泯泯蒼生塵消鼎沸我扇之已
仁風驅之已大威霜雪被而洪棘枯網維振而逆鱗埽羣才畢奏
人思與能數年之間廓清四海雖曰中興與夫始創業者庸有異
乎誠馬生之言固已參廓大度同符高祖又資太宗之仁兼孝宣
之明三人之體其殆乎同故能享有神器據乎萬物之上矣御覽九十

章帝紀論

孝章皇帝宏裕有餘明斷不足閭房讒惑外戚擅寵惜乎若明章
二主損有餘而補不足則古之賢君矣御覽九十一

獻帝紀論

獻帝崎嶇危亂之間飄泊萬里之徼萍流蓬轉險阻備經自古帝
王未之有也觀其天性慈愛弱而神惠輔之已德真守文令主也
曹氏始于勤王終至滔天遂力制羣雄負鼎而趨然因其利器假
而不反迴山倒海遂移天日昔田常假湯武而殺君操因堯舜而

竊國所乘不同其盜賊之身一也善乎莊生之言竊鉤者誅竊國者侯侯之門仁義在焉信矣

御覽九十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷五十七

烏程嚴可均校輯

袁宏

宏字彥伯小字虎璫弟猷之孫永和初爲謝尚安西參軍累遷
桓溫大司馬記室入爲吏部郎除東陽太守有後漢紀三十卷
正始名士傳三卷竹林名士傳三卷中朝名士傳若干卷集二
十卷

東征賦

惟吾生于末運託一葉于鄧林顧微軀之眇眇若絕響之遺音壯
公瑾之明達吐不世之奇策挫百勝于崇朝靡雲旗于赤壁三光
一舉而參分四海指麾而中隔過武昌已消搖登樊山已流眄訪
遺老已證往乃西鄂之舊縣曩有吳之初基升員丘而豹變爾乃
出桑洛會通川背彭澤面長泉洲渚迢遞巖岫虛懸卽雲似嶺望

水若天。日月出乎波中。雲霓生于浪間。嗟我行之彌留。跨晦朔之

候。忽風寒林而蕭瑟。雲出山而逢勃。驚瀾噫嶙而嶽轉。積波崑崙

已嶺。沒若魚舟之小狹。衝奔湍。已檣杪。擢弱楫之弗施。投洪流。已

織骨。已上六句從御覽七百七十補又北堂書鈔一百三十八引下四句向孫氏之南面。鑽靈龜。已

相土。橫鄴鎬之制度。窮河洛之規矩。經始郭郭。築室葺宇。金城萬

雉。崇墉百堵。君臣有章。上下獲敘。所已能三分天下。而有其文武

到吳都。已停舟。覽閭閻之餘塵。建修城。已營郭。引通流而發津。遠

矣。吳德舊邦。維新泰伯。被髮仲雍。文身。言偃。已文學遺風。季札。已

讓國稱仁。高節顯于華夏。端委行乎海濱。蘇文類聚二十七

沿西塞之峻。御覽四十八

精金百鍊。在割能斷。功則治人。職思靖亂。長沙之勳。爲史所讚。世說

文學篇又晉書袁宏傳作功日濟時

風墜散朗。或搜或引。身雖可亡。道不可隕。則宣城之節。信義爲允。

世說文學篇注
引續晉陽秋

北征賦

于時天高地涸木落水凝繁霜夜灑勁風晨興日曖曖其已曠月

亭亭而虛昇

御覽二十七

魚託水而成鯢木在山而有松

御覽九百四十

聞所聞于相傳云獲麟于此野誕靈物曰瑞德奚授體于虞者悲

尼父之慟泣似實慟而非假豈一物之足傷實致傷于天下感不

絕于余心遡流風而獨寫

世說文學篇注引袁宏集又見晉書袁宏傳

于是背梁山截汶波汎清濟俯視阿

初學記六引兩條

耐宴賦

朱帷赫呂霞布

文選補白馬賦注

夜酣賦

開金屏坐瓊筵衛姬進鄭女前形窈窕已纖弱豔妖冶而清妍似

春蘭之齊秀象明月之雙懸

文選謝朓始出尚書省詩注御覽三百八十一

表

田畝由是丘墟都市化爲珠玉

御覽八百四十

與謝僕射書

聞見擬爲吏部郎不知審爾果當至此誠相遇之過

御覽二百十六

與范曾書

四海鼎沸天轡將移杖短策已晨征登重幙日吐奇指六合已創

戈望崑崙而舉麾

御覽三百五十九

後漢紀序

予嘗讀後漢書煩穢雜亂睡而不能竟也聊以暇日撰集爲後漢紀其所綴會漢紀謝承書司馬彪書華嶠書謝忱書漢山陽公紀漢靈獻起居注漢名臣奏劾及諸郡耆舊先賢傳凡數百卷前史闕略多不次敘錯繆同異誰使正之經營八年疲而不能定頗有

傳者始見張璠所撰書其言漢末之事差詳故復揆而益之夫史傳之興所已通古今而篤名教也丘明之作廣大悉備史遷剖判六家建立十書非徒記事而已信足扶明義教網羅治體然未盡之班固源流周贍近乎通人之作然因藉史遷無所甄明荀悅才智經綸足爲嘉史所述當世大得治功已矣然名教之本帝王高義韞而未敘今因前代遺事略舉義教所歸庶已弘敷王道前史之闕古者方今不同其流亦異言行趣舍各已類書故觀其名迹想見其人丘明所已斟酌抑揚寄其高懷末吏區區注疏而已其所稱美止于事義疏外之意歿而不傳其遺風餘趣蔑如也今之史書或非古之人心恐千載之外所誣者多所已悵快躊躇操筆憤然者也

後漢紀黃姬水本又蔣國祥本

七賢序

阮公壞像之量不移于俗然獲免者豈不已虛中舉節動無過則

手中散遣外之情最爲高絕不免世禍將舉體秀異直致白高故傷之者也山公中懷體默易可因任平施不撓在眾樂同游刃一世不亦可乎

御覽四百四十七

案此當卽竹林名士傳敘也世

名士阮嗣宗嵇叔夜山巨源向子期劉伯倫阮仲容王濬仲爲正始林名士裴叔則樂彥輔王夷甫庾子嵩王安期阮千里衛叔寶謝幼興爲中朝名士

三國名臣序贊

夫百姓不能自治故立君曰治之明君不能獨治則爲臣曰佐之然則三五迭隆歷代承基揖讓之與干戈文德之與武功莫不宗匠陶鈞而羣才緝熙元首經略而股肱肆力雖遭離不同迹有傷劣至于體分異固道契不墜風美所扇訓革千載其揆一也故二八升而唐朝威伊呂用而湯武靈三賢進而小白興五臣顯而重耳霸中古陵遲斯道替矣居上者不曰至公理物爲下者必曰私路期榮御員者不曰信誠率眾執方者必曰權謀自顯于是君臣

離而名教薄世多亂而時不治故遠甯已之卷舒柳下已之三黜
接輿已之行歌魯連已之赴海衰世之中保持名節君臣相體若
合符契則燕昭樂毅古之流也夫未遇伯樂則千載無一驥時值
龍顏則當年控三傑漢之得材于斯爲貴高祖雖不巳道勝御物
羣下得盡其忠蕭曹雖不巳三代事主百姓不失其業靜亂庇人
抑亦其次夫時方顛沛則顯不如隱萬物思治則默不如語是已
古之君子不患弘道難患遭時難遭時匪難遇君難故有道無時
孟子所已咨嗟有時無君賈生所已垂泣夫萬歲一期有生之通
塗千載一遇賢智之嘉會遇之不能無欣喪之何能無慨古人之
言信有情哉余已暇日常覽國志攷其君臣比其行事雖道謝先
代亦異世一時也文若懷獨見之明而有救世之心論時則民方
塗炭計能則莫出魏武故委面晉書作圖霸朝像謀世事舉才不巳標
鑒故人亡而後顯籌畫不巳要功故事至而後定雖亡身明順識

亦高矣。董卓之亂，神器遷逼，公達慨然志在致命，由斯而譚，故曰大存名節。至如身爲漢隸，而跡入魏篡，源流趣舍，其亦文若之謂所。曰存亡殊致，始終不同，將曰文若既明，晉書有且哲二字名教有寄乎。夫仁義不可不明，則時宗舉其致，生理不可不全，故達識攝其契，相與弘道，豈不遠哉。崔生高朗折而不撓，所曰策名魏武，執笏霜朝者，蓋曰漢主當陽，魏后北面者哉。若乃一旦進璽君臣易位，則崔生所曰不與魏氏所曰不容，夫江湖所曰濟舟，亦所曰覆舟，仁義所曰全身，亦所曰亡身，然而先賢玉摧于前來，哲攘袂于後，豈非天懷發中，而名教束物者乎。孔明盤桓俟時而動，遐想管樂，遠明風流，治國曰禮，人無怨聲，刑罰不濫，沒有餘泣，雖古之遺愛，何曰加茲。及其臨終，願託受遺作相，劉后授之無疑心，武侯受之無懼色，繼體納之無貳情，百姓信之無異辭。君臣之際，良可詠矣。公瑾卓爾，逸志不羣，總角料主，則素契于伯符，晚節昭奇，則參分于

赤壁惜其齡促志未可量子布佐策致延舉之美輟哭止哀有翼
戴之功神情所涉豈徒寒謬而已哉然杜門不用登壇受譏夫一
人之身所照未異而用舍之間俄有不同沈沈跡溝壑遇與不遇
者乎夫詩頌之作有自來矣或曰吟詠情性或曰紀德顯功雖大
指同歸所託或乖若夫出處有道名體不滯風軌德音爲世作範
不可廢也故復撰序所懷曰爲之讚云魏志九人蜀志四人吳志
七人荀彧字文若諸葛亮字孔明周瑜字公瑾荀攸字公達龐統
字士元張昭字子布袁煥字曜卿蔣琬字公琰魯肅字子敬崔琰
字季珪黃權字公衡諸葛瑾字子瑜徐邈字景山陸遜字伯言陳
羣字長文顧雍字元歎夏侯玄字泰初虞翻字仲翔王經字承宗
陳泰字玄伯火德旣微運纏大過洪飈扇海二溟揚波虬虎雖
驚風雲未和潛魚擇淵高鳥候柯赫赫三雄竝迴乾輻競收杞梓
爭采松竹鳳不及棲龍不暇伏谷無幽蘭嶺無亭菊英英文若靈

鑒洞照應變知微探蹟賞獎

蘇文類聚作奇要

日月在躬隱之彌曜文明

映心鑽之愈妙滄海橫流玉石同碎達人兼善廢已存愛謀解時
紛功濟宇內始救生人終明風槩公達潛朗思同著蔡運用無方
動攝羣會爰初發迹造此顛沛神情玄定處之彌泰悄悄幕裏筭
無不經歷應通韻迹不暫停雖懷尺璧顧晒連城知能拯物愚足
全生郎中溫雅器識純素貞而不諒通而能固拘拘德心汪汪軌
度志成弱冠道敷歲暮仁者必勇德亦有言雖遇履虎神氣恬然
行不脩飾名迹無愆操不激切素風愈鮮邈哉崔生體正心直天
骨疏朗牆宇高疑忠存軌迹義形風色思樹芳蘭剪除荆棘人惡
其上時不容哲琅琅先生雅杖名節雖遇塵霧猶振霜雪運極道
消粹此明月景山恢誕韻與道合形器不存方寸海納和而不同
通而不難遇醉忘辭在醒貽答長文通雅義格終始思戴元首擬
伊同恥民未知德懼若在己嘉謀肆庭謠言盈耳玉生雖麗光不

踰把德積雖微道映天下淵哉泰初字量高雅器範自然標準無
假全身由直迹涉必僞處死匪難理存則易萬物波湯孰任其累
六合徒廣容身靡害君親自然匪由名教敬授既同情禮兼到烈
烈王生知死不撓求仁不遠期在忠孝立伯剛節大存名體志在
高構增堂及陞端委虎門正言彌啓臨危致命盡其心禮堂堂孔
明基宇宏邈器同生民獨稟先覺標勝風流遠明管樂初九龍盤
雅志彌確百六道喪干戈迭用苟非命世孰埽雰雲宗子思寧薄
言解控釋褐中林鬱爲時棟士元弘長雅性內融崇善愛物觀始
知終喪亂備矣勝塗未隆先生標之振起清風綢繆哲后無妄惟
時夙夜匪懈義在緝熙三略旣陳霸業已基公攷殖根不忘中正
豈曰模擬實在雅性亦旣羈勒負荷時命推賢恭己久而可敬公
衡仲達秉心淵塞媚茲一人臨難不惑疇昔不造假翮鄰國進能
微音退不失德六合紛紜民心將變鳥擇高梧臣須顧眎公瑾英

達朗心獨見披草求君定交一面桓桓魏武外託霸迹志掩衡霍
恃戰忘敵卓卓若人曜奇赤壁三光參分宇宙暫隔子布擅名遭
世方擾撫翼桑梓息肩江表王略威夷吳魏同寶遂獻宏謨匡此
霸道桓王之薨大業未純把臂託孤惟賢與親輟哭止哀臨難忘
身成此南面實由老臣才爲世出世亦須才得而能任貴在無猜
昂昂子敬拔迹草萊荷擔吐奇乃構雲臺子瑜都長體性純懿諫
而不犯正而不毅將命公庭退忘私位豈無鵠鶴固慎名器伯言
蹇蹇曰道佐世出能勤功入能獻替謀寧社稷解紛挫銳正曰招
疑忠而獲戾元歎穆遠神和形檢如彼白珪質無塵玷立上曰恆
匡上曰漸清不增潔濁不加染仲翔高亮性不和物好是不羣折
而不屈屢摧逆鱗直道受黜歎過孫陽放同賈屈洗洗眾賢千載
一遇整轡高衢驤首天路仰挹玄流俯弘時務名節殊塗雅致同
趣日月麗天瞻之不墜仁義在躬用之不既尚想重軔載挹載味

後生擊節懦夫增氣

文選傳書云宏傳
載文類聚四十五

單道開讚

物備招奇德不孤立遼遼幽人望巖凱入飄飄靈仙茲焉遊集遺

屣在林千載一襲

法苑珠林五十九引梁高僧
傳又見十六國春秋二十一

去伐論

夫君者必量才任已授官參善惡已毀譽課功過已賞罰者也苟
伐其善必忘其惡于是怨責之情必存乎心希望之氣必形乎色
此矜伐之士自賢之人所已爲薄而先王甚惡之者也君子則不
然勞而不伐施而不德致恭已存其位下人不隱其功處不避汗
官不辭卑唯懼不任唯患弗能故力有餘而智不屈遠咎悔而行
成名立也

載文類聚
二十三

明謙

賢人君子推誠已存禮非降已已應世率心已誠謙非匿情已同

物故侯王呂孤寡饗天下江海自卑下朝百川易曰天道下濟而
光明地道卑而下行老子曰高自下爲基貴已賤爲本此之謂乎
御覽四百

二十三

祖繼碑

逖爲豫州刺史薨時君柩未旋郡寇圍城衝櫓既附城將降矣勇
士五百撫戈同泣非祖侯之爲吾誰爲死并力齊赴卷甲霄起遂
陷堅乘負戈而反御覽三百三十六

丞相桓溫碑銘

文武開業尚父定王佐之契宗周不競桓公弘九伐之勳脫履于
必濟之功忘懷于屈伸之會高氏出乎生民公亮坦于萬物遂復
改謀迴慮策馬武關總轡丹旂之塗揚鞭終南之嶺兵交則戰無
全敵勸義則縱負雲集從已懸軍輕進因蓄靡儲而豺狼懼殪保
固窟穴乃方軌迴轅反師凱入雖奇功大勳未捷于一朝而宏謨

神略義高于天下公惟秀傑英特奇姿表于弱冠俊神朗鑒明統
備千成德巾褐衡門風流推其高致忘已應務天下謝其勛業輔
相兩儀而通運之功必周虛中容長而方圓之才咸得道濟而不
有處泰而逾約可謂固天時縱生民之傑者也銘曰

美盡黃裳道鳴伊呂哲人應運命世作輔卓卓英風略略宏宇亮
心高列俊神閒舉忘已濟物撫化翼世河洛澄流華梁卷翳俾我
仁公弘道作鏡如何不弔雲轡落映魏文類聚
四十五

孟處士銘

處士名陋字少孤武昌陽新人吳司空孟宗後也少而希古布衣
蔬食棲遲蓬華之下絕人間之事親族慕其孝大將軍命會稽王
辟之稱疾不至相府歷年虛位而澹然無悶卒不降志時人奇之
世說
逸篇注

祭耳文

天生五才治道所司廢一不可靜亂輔時赫赫晉德乃武乃文
世不競王度暫屯戎狄滑夏虜劉生民蠢爾東胡被髮左衽思我
皇澤稽首海裔受爵納貢服膺累世後嗣不恭實叛實戾侵我神
畿隔我嘉惠哀彼黎民嬰此彫殘沉荷大寵任其艱難慨然發憤
撫劒忘食敢建高牙烈烈桓桓御覽三百三十九又藝文類聚六十引首四句

羅山疏

善道開尸在石室北壁下形體朽壞有白骨在昔在都識此道士
聞之使人惻然其業行殊異當憐悅解骨耳石室中先有甌盛香
得便使埽除燒香御覽七百五十九

賜進士出身三品銜廣東等處提刑按察使司按察使兼管驛傳事務黃岡王毓漢校刊

全晉文卷五十七終

全晉文卷五十八

烏程嚴

張華

華字茂先，范陽方城人。仕魏爲太常博士，除著作佐郎，遷長史，兼中書郎。晉受禪，拜黃門侍郎，封關內侯。遷中書令，加散騎常侍，尋爲度支尚書。吳平，進封廣武縣侯。出爲幽州都督，領護烏桓校尉。安北將軍徵爲太常，免。惠帝卽位，已爲太子少傅，拜右光祿大夫，侍中，中書監，封壯武郡公。拜司空，領著作，爲趙王倫矯詔所殺。有博物志十卷，雜記五卷，又雜記十一卷，集十卷。案博本有琅材枕賦，琅材枕箴，今編入。張紘集又有豆羹賦，今編入。張翰集。

永懷賦

美淑人之妖豔，因盼睐而傾城。揚綽約之麗姿，懷婉婉之柔情。超六列于往古，邁來今之清英。旣惠余已至，懼又結我己同心。交恩

好之款固接情愛之分深誓中誠于噉日要執契已斷金嗟夫天道幽昧差錯繆于參差怨祿運之不遭雖義結而絕離執纏絲之篤趣守德音已終始邀幸會于有期冀谷華之我俟儻皇靈之垂仁長收懽于永已

裁文類聚十八

北風興兮增涼

北堂書鈔一百五十六

歸田賦

隨陰陽之開闔從時宜已卷舒冬與處于城邑春遊放于外廬歸郊廓之舊里託言靜已閑居有草木之藹蔚因地勢之丘墟豐蔬果之林錯茂桑麻之紛敷用天道已取資行藥物已爲娛時逍遙于洛濱聊相伴已縱意目白沙與積礫玩眾卉之同異揚素波已濯足泝清瀾已蕩思低徊住畱棲遲菴藹存神忽微遊精域外藉纖草已爲茵援垂陰已爲蓋瞻高鳥之陵風臨儵魚于清瀨眇萬物而遠觀脩自然之通會已退足于一壑故處否而忘泰

裁文類聚三十一

朽社賦

高柏橋南大道傍有古社槐樹蓋數百年木也余少居近之後去
行路遇之則已朽意有緬然輒爲之賦因已言衰盛之理云爾
伊茲槐之挺植于京路之東隅得託尊于田主據爽塏曰高居垂
重陰于道周臨大路之通衢饗春秋之所報應豐腴于無射歷漢
京之康樂踰喪亂之橫逆朱夏當陽蓊藹蕭森征夫雲會行旅歸
心輜軒停蓋輕輿託陰吉人向風而祛使王孫清嘯而啓襟晞甘
棠之廣覆徧喬木之無陰

藝文類聚三十九
御覽五百三十二

感婚賦

并序

方今歲在己巳將次四仲婚姻者競赴良時榮麗之觀相繼于路
雖葩英有顧嫁娶之會不乏平日乃作感婚賦曰彼婚姻之俗忌
惡當梁之在斯逼來年之且至迨星紀之未移窈窕初茂玉質始

威容華外豐心神內正接軫連騎隱隱習習充衍塞里暉暉城邑
相麗姿之綽約兮遙髣髴已感心怨佳人之幽翳兮恨檢防之高

淡

蘇文類聚四
十初學記十

相風賦

并序

太史侯部有相風在西城上而作者弗爲豈已其託處幽閑違眾
特立無羽毛之飾而丹漆不爲之容乎

御覽九

蓋在先聖道濟生人擬議天地錯綜明神在璿璣已齊七政象渾
儀于陶鈞考古旁于六氣仰貞觀于三辰爰在保章世序其職
風候方必立唯極循物致用器不假飾眇修榦之迢迢凌高墉而
莖植玄鳥偏其增茲晞雲霄而矯翼嘉創制之窮理諒器淺而事
深步元氣于尋木寄先識于茲禽既在高而想危又戒險而自箴
雖迴易之無常終守正而不淫永恪立已彌世志淹滯而愈新超
無返而特存差偶景而爲鄰

魏文類聚
六十八

鷦鷯賦

并序

鷦鷯小鳥也。生于蒿萊之間。長于藩籬之下。翔集尋常之內。而生之理足矣。色淺體陋。不爲人用。形微處卑。物莫之害。繁滋族類。乘居匹游。翩翩然有目自樂也。彼鸞鷟鷩鷮。孔雀翡翠。或凌赤霄之際。或託絕垠之外。翰舉足目冲天。背距足目自衛。然皆負矰嬰繳。羽毛入貢。何者。有用于人也。夫言有淺而可目。託深類有微而可目。喻大故賦之云爾。

何造化之多端兮。播羣形于萬類。惟鷦鷯之微禽兮。亦攝生而受氣。育翩翩之陋體。無玄黃目自貴。毛弗施于器用。肉弗登于俎味。鷹鷂過猶俄翼。尚何懼于罾罟。翳蒙籠是焉。游集飛不飄颻。翔不翕習。其居易容。其求易給。巢林不過一枝。每食不過數粒。棲無所滯。游無所盤。匪陋荆棘。匪榮葑藺。動翼而逸。投足而安。委命順理。與物無患。伊茲禽之無知。何處身之似智。不懷寶目賈害。不飾

表曰招累靜守約而不矜動因循曰簡易任自然曰爲資無誘慕
于世僞鵲鵲介其跂距鵲驚軼于雲際鵲鷄竄于幽險孔翠生乎
遐裔彼晨鳧與歸鴈又矯翼而增逝咸美羽而豐肌故無罪而皆
斃徒銜蘆曰避繳終爲戮于此世蒼鷹鷂而受縲鸚鵡惠而入籠
屈猛志曰服養塊幽繫于九重變音聲曰順旨思摧翮而爲庸戀
鍾岱之林野慕隴坻之高松雖蒙幸于今日未若疇昔之從容海
鳥鷗鷖避風而至條枝巨雀踰嶺自致提挈萬里飄飄逼畏夫唯
體大妨物而形瓌足瑋也陰陽陶蒸萬品一區巨細舛錯種繁類
殊鵲鷖巢于蚊睫大鵬彌乎天隅將曰上方不足而下比有餘普
天壤曰遐觀吾又安知大小之所如

文選藝文類
聚九十二

王公上壽酒食舉樂歌詩表

案魏上壽食舉詩及漢氏所施用其文句長短不齊未皆合古蓋
曰依詠弦韻本有因循而識樂知音是曰制聲度曲法用率非凡

近所能改二代三京襲而不變雖詩章詞異興廢隨時至其韻逗

曲折皆繫于舊有由然也是曰一皆因就不敢有所改易

宋書樂志一通

典一百四十一又略見隋書音樂志下

晉文王諡議

殊位威禮實隆明德班爵宗寵亦光茂勲至于表名贈號世考洪

烈冠聲無窮者莫尚于號諡也論功高于禹稷比德邁于伊周

文藝

類聚四十

封禪議

初學記作封禪儀此從藝文類聚御覽

太康元年九月庚寅尚書令衛瓘尚書左僕射山濤右僕射魏舒

尚書劉寔司空張華等奏曰聖德隆茂光被四表諸夏又清幽荒

率從神策廟筭席卷吳越孫皓稽顙六合為家巍巍之功格于天

地宜同古典敕封東嶽告三府太常為儀制

宋書禮志三

瓘等又奏臣聞肇自生民則有后辟載祀之數莫之能紀立德濟

世揮揚仁風。曰登封泰山者七十有四家。其諡號可知者十有四

焉。

曰上藝文類聚初學記御覽引張華

沈淪寂寞。曾無遺聲者。不可勝記。自黃帝曰

前古傳昧略。唐虞以來。典謨炳著。三王代興。體業繼襲。周道既沒。秦氏承之。至于漢魏。而質文未復。大晉之德。始自重黎。實佐顓頊。至于夏商。世序天地。其在于周。不失其緒。金德將升。世濟明聖。外平蜀漢。海內歸心。武功之威。實由文德。至于陛下。受命踐阼。弘建大業。羣生仰毓。唯獨江湖沅湘之表。凶桀負固。歷代不賓。神謀獨斷。命將出討。兵威暨加。數旬蕩定。羈其鯨鯢。赦其罪逆。雲覆雨施。八方來同。聲教所被。達于四極。雖黃軒之征。大禹遠略。周之弈世。何曰尚今。若夫玄石素文。底號前載。象曰姓表。言曰事告。雖河圖洛書之徵。不是過也。加曰騶虞麟趾。眾瑞竝臻。昔夏殷曰丕崇。爲祥。周武曰鳥魚爲美。咸曰休哉。然符瑞之應。備物之盛。未有若今之富者也。宜宣大典。禮中嶽。封泰山。禪梁父。發德號明至尊。享天

休篤黎庶

初學記作厚黎民

勒于載之表播流後之聲俾百代之下莫

不興起斯帝王之威業天人之至望也

晉書禮志下宋書禮志三又略見載文類聚三十九

引張華謀御覽五百三十六引張華封禪議又初學記十三引張華封禪儀凡兩條儀或議之誤又陸雲集與兄機書云頃得張公封禪事明此六奏皆張華所撰張

博本僅載藝文類聚御覽數十字璫等又奏曰今東漸于海西被于流沙大漠之陰日南北戶莫不

通屬芒芒禹蹟今實過之則天人之道已周巍巍之功已著宜有

事梁父脩禮地祇登封泰山致誠上帝曰荅人神之願也乞如前

奏

晉書禮志下宋書禮志三

璫等又奏曰臣聞處帝王之位者必有歷運之期天命之應濟生

民之大功者必有威德之容告成之典無不可誣有不敢讓自古

道也而明詔謙沖屢辭其禮雖威德攸在推而未居夫三公職典

天地實掌民物國之大事取議于此故漢氏封禪非是官也不在

其事臣等前奏蓋陳祖考之功天命之應陛下之德合同四海述

古攷今宜循此禮至于克定威月須五府上議然後奏聞請寫詔

及奏如前下議

晉書禮志下
宋書禮志三

瑾等又奏臣聞唐虞三代濟世弘功之君莫不仰答天心俯協民志登介乚履梁父未有辭焉者蓋不可讓也今陛下勳高百王德無與二茂績弘規巍巍之業固非臣等所能究論而聖旨勞謙歷自抑損時至弗應推美不居闕皇代之上儀塞神祇之款望使大晉之典謨不同風于三五臣等誠不敢奉詔請如前奏施行

晉書
禮志

下宋書
禮志三

冬王公有司又奏自古聖明光宅四海封禪名山著于史籍作者七十四君矣舜禹之有天下也巡狩四嶽躬行其道易著觀民省方禮有升中于天詩頌陟其高山皆載在方策文王爲西伯已服事殷周公已魯藩列于諸侯或享于岐山或有事泰山徒已聖德猶得爲其事自是已來功薄而僭其義者不可勝數號諡不泯已

至于今、況高祖宣皇帝肇開王業、海外有截、世宗景皇帝濟曰大
功、輯寧區夏、太祖文皇帝受命造晉、蕩定蜀漢、陛下應期龍興、混
壹六合、澤被羣生、威震無外、昔漢氏失統、吳蜀鼎峙、兵興曰來、近
將百年、地險俗殊、民望絕塞、曰爲分外、其日久矣、大業之隆、重光
四葉、不羈之寇、二世而平、非聰明神武、先天弗違、孰能巍巍其有
成功、若茲者歟、臣等幸曰千載得遭運會、親服大化、目覩太平、至
公至美、誰與爲讓、宜祖述先朝、憲章古昔、勒功岱嶽、登封告成、弘
禮樂之制、正三雍之典、揚名萬世、曰顯祖宗、是曰不勝大願、敢昧
死、曰聞、請告太常具禮儀復上、

晉書禮志下
宋書禮志三

廢楊太后議

夫婦之道、父不能得之于子、子不能得之于父、皇太后非得罪于
先帝者也、今黨其所寵、爲不母于聖世、宜依漢廢趙太后爲孝成
后故事、貶太后之號、還稱武皇后、居異宮、曰全貴終之意、

晉書張
華傳又

見武悼楊后傳黨其所寵作黨惡所親居異宮作處之離宮

移書太常薦成公綏

竊見處士東郡成公綏年二十五字子安體珪璋之質資不器之

量知深慮明足已妙見研思篤好則仲舒之精引之下世貞幹足

已敦風篤俗淵才達學足已弘道世教固逸倫之殊俊搢紳之檢

式也御覽六百三十

報雷煥書

詳觀劔文乃干將也莫邪何復不至雖然天生神物終當合耳晉書

張華傳雷煥為豐城令于縣獄屋基掘得石函中有雙劔並刻題一日龍泉一日太阿煥送一劔與華留一劔自佩華報書

與褚陶書

二陸龍躍于江漢彥先鳳鳴于朝陽自此已來常恐南金已盡而

復得之于吾子故知延州之德不孤淵岱之寶不匱世說賞譽篇注引褚氏家

傳

荅某書

得書爲慰。僕諸情疾已甚，慙西臥歸還，乃悉比將念反，不具。張華

呈清化閣

甲乙問

甲娶乙爲妻，後又娶景，匿不說。有乙居家如二嫡，無有貴賤之差。乙亡，景之子當何服？本實竝立，嫡庶不殊。雖二嫡非正，此失在先。人人子何得專制析其親也？若爲庶母服，又不成爲庶，進退不知

所從。晉書禮志中

博物誌序

余視山海經及禹貢爾雅，說文地志雖曰悉備，各有所不載者。作略說出所不見，粗言遠方。陳山川位象吉凶，有徵諸國境界犬牙相入，春秋之後竝相侵伐，其土地不可具詳。其山川地澤略而言之。正國十二博物之士覽不卸焉。博物志宋連江葉氏本已此爲序

地理讚

地理廣大四海八方遐遠別域略已難詳侯王設險守固保疆遠
遮川塞近備城堙司察奸非禁禦不良勿恃危阨恣其淫荒無德
則敗有德則昌安屋猶懼乃不可亡進用忠良社稷永康教民曰
孝舜化曰彰博物志一

大司農箴

家有廬井王有廩籍阜茂豐物和鈞關戶在周之季不虔政首棄
稷弗務不籍千畝匱神乏祀敗于戎醜稽臣司農敢告左右文選

四十九初學記十二

尚書令箴

明明先王開國承家作制垂憲仰觀列曜俯令百官政用罔愆昔
舜納大麓七政曰齊內成外平而風而不迷山甫翼周靡剛靡柔
補我衮職闡我王猷王猷允塞而四海咸休雖曰聖明必賴良材

無曰我智官不任能發言如絲其出成綸王季道缺天網縱替既無老成改舊法制法制不修不長厥裔尚臣司臺敢言侍衛

初學記十

一 案藝文類聚

四十八作摯虞

女史箴

茫茫造化二儀始分散氣流行既陶既甄在帝庖犧肇經天人爰始夫婦已及君臣家道已正而王猷有倫婦德尚柔含章貞吉嫺婉淑慎正位居室施衿結褵處宮中饋肅慎爾儀式瞻親懿樊姬感莊不食鮮禽衛女矯桓耳忘和音志厲義高而二主易心玄熊攀檻馮媛趨進夫起無畏知死不恠班妾有辟割歡同輦夫豈不懷防微慮遠道罔隆而不殺物無感而不衰日中則昃月滿則虧崇猶塵積替若駭機人咸知飭其容而莫知飭其性性之不飭或愆禮正斧之藻之克念作聖出其言善千里應之苟違斯義則同衿已疑夫出言如徵榮辱由茲勿謂幽昧靈鑒無象莫謂玄漠神

聽無響無矜爾榮天道惡盈無恃爾貴隆隆者墜墜于小星戒彼
 攸遂此心姦斯則繁爾類懼不可已黷寵不可已專專實生慢愛
 極則遷致盈必損理有固然美者自美翩已取尤冶容求好君子
 所讐結息而絕職此之由故翼翼矜矜所福已興靖恭自思所期
 榮顯女史司箴敢告庶姬御覽一百三十五文選又見茲
 文類聚十五初學記十皆刪節

杖箴

杖道不正陷墜傾危

書鈔一百三十三

倚几銘

倚几之設設而不倚作器于此成禮于彼

北堂書鈔一百三十三御覽七百十

席前左端銘

安樂必敬口口上珍大道坦坦口口在人

北堂書鈔一百三十三

席前右端銘

行莫若口居莫若正行處止恆修理俟命

同上

章懷皇后誄

自天陶靈，必有徵祥。誕在初載，亦曜神光。顯應天祿，聿嬪聖皇。受
氣自然，實聽清和。內含茂質，外發英華。身處宸極，敬恭惟夙。窈窕
淑媚，柔順婉穆。宣慈內政，流化太微。六宮變雅，清我壺闈。經綸庶
屬，積思萬機。既臻緝熙，玄澤流行。將翼我后，登封降禪。氛祲告妖，
沈結彌留。奄忽升遐，棄世高遊。聖上哀懷，感切悼心。率土縞素，遏
密八音。眇眇遊靈，將焉所之。容光幽邁，豈有反期。杳杳新宮，下絕
三泉。茫茫陵域，合體中原。委棄暉章，卽安太清。藝文類聚十五

烈文先生鮑玄泰誄

於鑠烈文，續蕤皇祚。夏后基命，靈根已固。杞卽既微，枝離葉布。爰
暨叔牙，世贊齊風。翼柏濟管，遂登霸功。越在漢隆，三司竝縱。烈考
中丞，妙世顯名。嶷嶷先生，誕資英俊。淑質清淳，蘭芳玉潤。抗行崇
邈，遊心大順。允文允明，聰昭秀哲。啓冥演幽，守文命世。抱道沖虛，

執義貞厲、棲遲無悶、不營不枝、擬志雲霄、致命窮達、行爲範、執言成隱括、宜登遐年、弘此微猷、濟濟搢紳、永挹清流、取識遺音、目想表儀、孰云玄泰、曾不我知、感傷慷慨、揮涕滲澌、已矣鮑子、寧爾玄陰、振聲竹帛、永播徽音、藝文類聚三十七

魏劉驥騎誄

昔在殷周、惟伊惟呂、穆穆公侯、紹茲勳緒、如何上天殲我鼎輔、金剛玉潤、水潔冰清、郁郁文彩、煥若朝榮、功遂身退、致仕懸輿、志逸畱侯、心邁二疏、風凜凜已翼衡、雲霏霏已承蓋、旒聯翩已飄颻、旌

續紛已奄薄、

藝文類聚四十八

武帝哀策文

感大饗之無虧、哀罇俎之虛設、叩龍輅已長叫、痛靈暉之潛逝、其辭曰、

欽惟皇考、體道之真、德侔乾坤、齊曜三辰、應期登禪、協于天人、上

虔郊祀下惠兆民憲章唐虞允得其津搜揚仄陋故老是賓百揆
時序威業日新恩從雲翔威猶霆震江海靜波岷岳無塵四夷率
服莫不來臣肅慎奉貢越裳効珍化此弊俗歸之至道昔在上聖
咸享百年哀哀皇考用不是臻遘厲彌侵景命殞顛舍此昭晰卽
彼幽玄仰瞻靡怙廓若無天終制尚儉率由典度華幕弗陳器必
陶素不封不樹所在惟固貽法來世是則是慕大隧旣啓吉日將
征鍾鼓雷震白虎抗旌龍螭驪首良駟悲鳴倡者振鐸挽夫齊聲
背此崇殿將適下庭玄宮窈窕脩夜冥冥光燈永戢幽闔長扃仰
訴皇穹零淚屏營云誰能忍寄之我情結心墳隴永憑聖靈

茂文類聚

元皇后哀策文

天地配序化成兩儀王假有道義在伉儷姜嫄佐鬻二妃興媿仰
觀古籍覲亦同規今胡不然景命夙虧嗚呼哀哉我膺麻運臨統

萬方正位于內、實在嬪嬙、天作之合、駿發其祥、河嶽降靈、啓祚華陽、奕世豐衍、朱紱斯皇、繼女惟行、受命溥將、來翼家邦、憲度是常、緝熙陰教、德聲顯揚、昔我先妣、暉暉休光、后承前訓、奉述遺芳、宜嗣徽音、繼序無荒、如何不弔、背世隕喪、瑤齊無住、長去蒸嘗、追懷永悼、率土摧傷、嗚呼哀哉、陵兆既宅、將遷幽都、霄陳夙駕、元妃其徂、宮門遏密、階庭永虛、設祖屬紼、告駕啓途、法服輦綸、寄象容車、金輅馳邁、帷裳不舒、千乘動軫、六驥踟躕、銘旌樹表、綏柳雲敷、祁祁同軌、炭炭蒸徒、孰云不懷、哀感萬夫、靈神虞旃、安體玄廬、土房陶簋、齊制遂初、依行紀謚、聲被八區、雖背明光、亦歸皇姑、沒而不朽、世德作謨、嗚呼哀哉、

欽文類聚十五晉書武元楊后傳

縱橫篇

蘇秦始與儀、同學鬼谷先生、辯說剖毫釐、變詐人無形、巧言惑正理、人主莫不傾聽、

御覽四百六十四

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷五十八終

全晉文卷五十九

烏程嚴可均校輯

成公綏

綏字子安東郡白馬人仕魏爲博士歷祕書郎轉丞選中書郎拜騎都尉人晉官爵未詳有集十卷

案綏爲騎都尉在司馬昭時見賈充傳

天地賦

并序

賦者貴能分理賦物敷演無方天地之盛可曰致思矣

晉書成公綏傳

天

地至神難曰一言定稱故體而言之則曰兩儀假而言之則曰乾

坤氣而言之則曰陰陽性而言之則曰柔剛色而言之則曰玄黃

名而言之則曰天地

藝文類聚一初學記一

歷觀古人未之有賦豈獨曰至麗無文難曰辭贊不然何其闕哉

遂爲天地賦曰

惟自然之初載兮道虛無而玄清太素紛曰溷淆兮始有物而混

成何元一之芒昧兮廓開闢而著形爾乃清濁剖分玄黃判離太
 極既殊是生兩儀星辰煥列日月重規天動日尊地靜日卑昏明
 迭炤或盈或虧陰陽協氣而代謝寒暑隨時而推移三才殊性五
 行異位千變萬化繁育庶類授之曰形稟之曰氣色表文采聲有
 音律覆載無方流形品物鼓曰雷霆潤曰慶雲八風翺翔六氣氤
 氲岐行蠕動方聚類分鱗殊族別羽毛異羣各含精而鎔冶咸受
 範于陶鈞何滋育之罔極兮偉造化之至神若夫懸象成文列宿
 有章三辰燭耀五緯重光河漢委蛇而帶天虹蜺偃蹇于昊蒼望
 舒彌節于九道義和正轡于中黃眾星回而環極招搖運而指方
 白獸時據于參伐初學記作參井青龍垂尾于心房藝文類聚作心
書本傳及初學記作心房初學記作參井玄龜匿首于女虛朱鳥奮翼于注張北堂書鈔一百五十載文類聚
作星張初學記作參張帝皇正坐于紫宮輔臣列位于文昌垣屏駱驛而珠
連三台差池而鴈行
晉書作鴈翔依北堂書鈔文類聚初學記軒轅華布而曲列攝

提鼎跼而相望。若乃微瑞表祥。災變呈異。交會薄仙。抱帶瑱流。
逆犯厥譴。悟象事。蓬容著而妖害生。老人形而主受喜。天矢黃而
國吉祥。葦字發而世所忌。爾乃旁觀四極。俯察地理。川瀆浩汗而
分流。山嶽歸落而羅峙。滄海沆漭而四周。懸圃隆崇而特起。昆吾
嘉于南極。燭龍曜于北址。扶桑高于萬仞。尋木長于千里。崑崙鎮
于陰隅。赤縣據于辰巳。于是八十一域。區分方別。風乖俗異。險斷
阻絕。萬國羅布。九州竝列。青冀白壤。荆衡塗泥。海岱赤植。華梁青
黎。充帶河洛。揚有江淮。辯方正土。經略建邦。王圻九服。列國一同。
連城比邑。深池高甌。康衢交路。四達五通。東至暘谷。西極秦蒙。南
暨丹炮。北盡空同。遐方外區。絕域殊鄰。人首蛇軀。鳥翼龍身。衣毛
被羽。或介或鱗。棲林浮水。若獸若人。居于大荒之外。處于巨海之
濱。于是六合混一而同宅。宇宙結體而括囊。渾元運流而無窮。陰
陽循度而率常。同動糾紛而乾乾。天道不息而自強。統羣生而載

有人託命于所繫尊太一于上皇奉萬神于五帝故萬物之所宗
必敬天而事地若乃共工赫怒天柱摧折東南俄其既傾西北豁
而中裂斷鼇足而續毀鍊玉石而補缺豈斯事之有徵將言者之
虛設何陰陽之難測偉二儀之多闕坤厚德曰載物乾資始而至
大俯盡鑒于有形仰蔽視于所蓋游萬物而極思故一言于天外

晉書成
公綏傳

雲賦

于是玄氣仰散歸雲四旋冰消瓦離奕奕翩翩去則滅軌曰無迹
來則幽闇曰杳冥舒則彌綸覆四海卷則消液入無形或狎獵鱗
次參差交錯上捷業曰梁倚下壘碗而相薄狀歲鬼其不安吁可
畏而欲落或粲爛綺藻若畫若規繁縟成文一續一離龍伸蠖屈
蜿蜒逶迤連翩鳳飛虎轉相隨或繡文錦章依微要妙絲邈淩虛
輕翔浮漂

藝文類聚一御覽八初學記一

陰霖賦

百川泛濫潢潦橫流沈寯生蠹中庭運舟

蘇文類聚二御覽一又九百四十九

時雨賦

兩儀協合二氣烟燭洪川起波名山興雲

蘇文類聚二

大河賦

覽百川之宏壯今其尚美于黃河潛崑崙之峻極今出積石之巉
峩登龍門而南游今拂華陰與曲阿凌砥柱而激湍今踰洛汭而
揚波體委蛇于后土今配靈漢于穹蒼貫中夏之畿甸今經朔狄
之遐荒歷二周之北境今流三晉之南鄉秦自西而啓壤今齊據
東而畫疆殷徒涉而求固衛遷濟而遂彊趙決流而卻魏羸引溝
而滅梁思先哲之攸歎何水德之難量

水經河水注一蘇文類聚八初學記六

氣蓬勃已霧蒸

文選江賦注引天河賦疑大河之誤

乘高赴下絕沒長奔馳會五戶旁達三門

初學記六

鮑鯉王鮪春暮來游

水經河水注五

靈圖授錄于羲皇

文選王融曲水詩序注

善尼父之不濟尋方叔之遠迹懿吳起之讜言大泛舟之興役

初學

六記

洛禊賦

考吉日簡良辰祓除解禊同會洛濱妖童媛女嬉游河曲或盥纖

手或濯素足臨清流坐沙場列鼎樽飛羽觴

藝文類聚四初學記四御覽三十

趨才逸態習水善浮

文選吳郡賦注

延賓賦

延賓命客集我友生高談清宴講道研精閭閻侃侃娛心肆情

初學

記十

四

宣清賦

哀蕙草之見焚

御覽九百八十三

慰情賦一作慰情賦

惟潛龍之勿用，戢鱗翼以匿影。文選謝朓觀朝雨詩注又宣德皇后合注

嘯賦

逸羣公子，體奇好異，傲世忘榮，絕棄人事，睎高慕古，長想遠思，將登箕山，以抗節，浮滄海，以游志，于是延友生，集同好，精性命之至機，研道德之玄奧，愍流俗之未悟，獨超然而先覺，狹世路之阨僻，仰天衢而高蹈，邀姱俗而遺身，乃慷慨而長嘯，于時曜靈俄景，流光濛汜，逍遙攜手，踟躕步趾，發妙聲于丹脣，激哀音于皓齒，響抑揚而潛轉，氣衝鬱而標起，協黃宮于清角，雜商羽于流徵，飄遊雲于泰清，集長風乎萬里，曲既終而響絕，遺餘玩而未已，良自然之至音，非絲竹之所擬，是故聲不假器，用不借物，近取諸身，役心御氣，動脣有曲，發口成音，觸類感物，因歌隨吟，大而不濫，細而不沈，清激切于罕笙，優潤和于瑟琴，玄妙足已，通神悟靈，精微足已，窮

幽測深、收激楚之哀荒、節北里之奢淫、濟洪災于炎旱、反亢陽于重陰、唱引萬變、曲用無方、和樂怡懌、悲傷摧藏、時幽散而將絕、中矯厲而慨慷、徐婉約而優遊、紛繁騖而激揚、情旣思而能反、心雖哀而不傷、總八音之至和、固極樂而無荒、若乃登高臺、已臨遠、披文軒而騁望、喟仰扞而抗首、嘈長引而膠亮、或舒肆而自反、或徘徊而復放、或冉弱而柔撓、或澎湃而奔壯、橫鬱鳴而滔洄、冽飄眇而清昶、逸氣奮湧、繽紛交錯、列列颺揚、啾啾響作、奏胡馬之長思、向寒風乎北朔、又似鴻鴈之將鶻、羣鳴號乎沙漠、故能因形創聲、隨事造曲、應物無窮、機發響速、拂鬱衝流、參譚雲屬、若離若合、將絕復續、飛廉鼓于幽隧、猛虎應于中谷、南箕動于穹蒼、清飈振乎喬木、散滯積而播揚、蕩埃藹之溷濁、變陰陽之至和、移淫風之穢俗、若乃遊崇崗、陵景山、臨巖側、望流川、坐盤石、漱清泉、藉皋蘭之猗靡、陰修竹之蟬蛩、乃吟詠而發散、聲駉驛而響連、舒蓄思之悱

質奮久結之纏絲心滌蕩而無累志離俗而飄然若夫假象金革
擬則陶匏眾聲繁奏若茹若蕭礪礪震隱訇磕唧唧發徵則隆冬
熙蒸騁羽則嚴霜夏凋動商則秋霖春降奏角則谷風鳴條音均
不恆曲無定制行而不流止而不滯隨口吻而發揚假芳氣而遠
逝音要妙而流響聲激曜而清厲信自然之極麗羌殊尤而絕世
越韶夏與咸池何徒取異乎鄭衛于時絲駒結舌而喪精王豹杜
口而失色虞公輟聲而止歌甯子檢手而歎息鍾期棄琴而改聽
孔父忘味而不食百獸率舞而抃足鳳皇來儀而拊翼乃知長嘯
之奇妙蓋亦音聲之至極

文選載文類聚十
八晉書戚公綏傳

琴賦

清颺因其流聲兮游絃發其逸響心怡懌而踊躍兮神感宕而忽

悅

初學記
十六

四氣協而人神穆兮五教泰而道化通

同上

窮變化于無極兮盡人心之好善

同上

遂創新聲改舊用君山獻曲伯牙奏弄

同上

伯牙彈而馴馬仰子野揮而玄鶴鳴清角發而陽氣亢白零奏而

風雨零

藝文類聚四十四文選別賦注初學記十六

琵琶賦

八音之用誦于典藝簫韶九奏物有容制惟此琵琶興自末世爾

乃託巧班輪如意橫施因形造美洪殺得宜柄如翠虬之仰首盤

似靈龜之背噴臨樂則齊州之丹桂柱則梁山之象犀攬已玳瑁

格已瑤枝若夫盤圓合靈太極形也三材片合兩儀生也分柱列

位歲數成也同窗華表日月星也

藝文類聚四十四初學記十六

飛龍列舞趙女駢羅進如驚鶴轉如同波

初學記十五

好和者唱讚善聽者咨嗟眩睛駭耳失節蹉跎

初學記十六

改調高彈急節促撾飛龍引舞趙女駢羅

初學記十六

撥止金石屏斥笙簧彈琵琶于私宴授西施與毛嫱撰理參暖五

齊五章

初學記十六

故筆賦

并序

治世之功其尚于筆能舉萬物之形序自然之情卽聖人之心非
筆不能宣實天地之偉器也有倉頡之奇生列四目而兼明纂羲
氏之畫卦載萬物于五行乃發虛于書契採秋毫之類芒加膠漆
之綢繆結三東而五重建犀角之玄管屬象齒于纖鋒染青松之
微煙著不泯之永蹤則象神仙人皇九頤式範羣生異體怪軀注
玉度于七經訓河洛之識緯書日月之所躔別列宿之舍次乃皆
是筆之勲人日用而不寤乞盡力于萬機卒見棄于行路數文類
歌五十

芸香賦

美芸香之脩潔稟陰陽之淑精去原野之蕪穢相廣廈之前庭

類秋竹葉象春櫻

藝文類聚八十一
御覽九百八十二

柳賦

宅京宇之西偏濱犢鼻之清渠啓橫門于大路臨九達之通衢愍

行旅之靡休樹雙柳于道隅彌年載而成陰紛憚援而扶疏

藝文類聚

九十

日及賦序

日及者華甚鮮茂榮于仲夏訖于孟秋

藝文類聚八十九

木蘭賦

許昌西園中木蘭樹余往觀之遂為賦曰

覽眾樹之列植嘉木蘭之殊觀至于玄冥授節猛寒嚴烈義嶷堅

冰霏霏白雪木應霜而枯零草隨風而摧折顧青翠之茂葉繁旖

旎之弱條諒抗節而矯時獨滋茂而不雕

藝文類聚八十九

鴻鴈賦

并序

余嘗游乎河澤之間是時鴻鴈應節而羣至望川曰奔集夫鴻漸
著羽儀之歟小雅作于飛之歌斯乃古人所曰假象興物有取其
美也余又奇其應氣而知時故作斯賦

辰火西流秋風鴈起軒翥鼓翼抗志厲里起寒門之北垠今集玄
寒曰安處賓弱水之陰岸今

文選謝靈運擬鄴中集應瑒詩注賓作濱

有沙漠之絕渚

奔巫山之陽隅兮超彭澤之遐裔過雲夢曰娛游兮投江湘而中
隱晝顧眺曰候遠夜警巡而相衛上揮翻于丹霞兮下濯足于清

泉經天地之遐極兮樂和氣之純煖

藝文類聚九十又初學記三十引三條

鴈賦

陵高霞而輕舉

文選孔德璋北山移文注

鳥賦

并序

有孝鳥集余之廬乃喟然而歎曰余無仁惠之德祥禽曷爲而至
哉夫鳥之爲瑞久矣曰其反哺識養故爲吉鳥是曰周書神其流

變詩人尋其所集望富者瞻其爰止愛屋者及其增歎茲蓋古人
所目爲稱若乃三足德靈國有道則見國無道則隱斯乃鳳鳥之
德何已加焉鵬惡鳥而賈生懼之鳥善禽而吾嘉焉懼惡而作歌
嘉善而賦之不亦可乎

蘇文類聚九十二
御覽九百二十

惟玄鳥之令鳥兮性自然之有識應災陽之純精兮體乾剛之至
色望九里之迴翔兮翩羣鳴已附翼差自託于君子兮心雖迴而
不遁潛幽隙而穴處兮將待期于中春

二句從北堂書鈔一百五
十八補上文尚有闕

起彼高林集此叢灌棲息重陰列巢布餘續紛霧會迴皇塵亂來
若雨集去若雲散哀鳴日夕鼓翼昧旦噫啞相和音聲可玩嗟斯
鳥之克孝兮心識養而知慕同蓼莪之報德兮懷凱風之至素維
既壯而能飛兮乃銜食而反哺遊朝霞而凌厲兮飄輕翥于玄冥
有崑山之奇類兮體殊形于玉趾凌西極已翱翔兮爲王母之所
使時應德而來儀兮介帝王之繁祉入中州而武興兮集林木而

軍起能休祥于有周兮，矧貞明于吉士。嘉茲鳥之淑良兮，永和樂

而靡紀。

初學記三十

鵬武賦

序

鵬武小鳥也，目其能言解意，故爲人所愛玩。育之曰金籠，升之曰堂殿，可謂珍之矣。然未得鳥之性也。

御覽七百六十四又九百二十四

射兔賦

收輔車之雙轡，舍良馬之長韉，擒迅羽之輕焱，截逸足之狡弄，盈得獲于後乘，充庖廚之所貢。

御覽三百五十八

蜘蛛賦

獨高懸，目浮處，遂設網于四隅，南連大廡，北接華堂，左馮廣廈，右依高廊，吐絲屬縑，布網引綱，纖羅絡漠，綺錯交張，雲舉霧縵，目待其方，于是蒼蚊夕起，青蠅昏歸，營營羣眾，薨薨亂飛，挂翼繞足，跼絲置圍，衝突必獲，犯者無逃。

藝文類聚九十七御覽九百四十八

螳螂賦

仰乃茂陰俯緣條枝冠角峩峩足翹岐岐尋喬木而上綴從蔓草而下垂戢翼鷹峙延頸鵠望推翳徐翹舉斧高抗烏伏虵騰鷹擊隼放俯飛蟬而奮猛臨螭結而逞壯距車輪而軒翥固齊侯之所尚乃有翩翩黃雀舉翮高揮連翔枝幹或鳴或飛觀茲螳螂將目療飢厲嘴脅翼其往如歸

藝文類聚九十七
御覽九百四十六

七唱

其居也背山臨谷巖棲穴處枕石漱流鼓腹容與

書鈔一百五十八

秦無清醴先和宜醇香旗九醞淵澄十旬

書鈔一百四十八

瓊弁曜首玉纓照目

御覽六百八十六

金璫煌煌貂珥峨峨

御覽六百八十八

奮長袖曰飈迴擢纖腰曰烟起鎮抗首而委蛇颺頓足而立跼紛

龍轉而鳳翔忽若倒而中止

初學記十五

賢明頌

於鑠姜后光配周宣非義不勳非禮不言晏起早朝永巷告愆王

用勤政萬國已虔

藝文類聚十五

菊頌

先民有作詠茲秋菊綠葉黃花菲菲或或芳踰蘭蕙茂過松柏其

莖可玩其葩可服味之不已松喬等福

藝文類聚八十一

徵士胡昭贊

投簪卷帶韜聲匿迹

文選北山移文注

錢神論

路中紛紛行人悠悠載馳載驅唯錢是求朱衣素帶當塗之士愛

我家兄皆無能已執我之手說分終始不計優劣不論能否賓客

輻湊門常如市諺言錢無耳何可聞使豈虛也哉

御覽八百三十六

市長箴

貿遷有無市朝有處人曰攸資貨曰攸敘交易而退各得其所曹
參相齊清淨曰義姦不可擾顧託有寄市臣掌肆敢告執事

初學記二

四十

破髻銘

詩美首弁班有口口或造茲蔽南京翠翼明珠星列繁華致飾

北堂

書鈔一百

三十五

菊銘

敷在三九時惟斯生

我文類聚八十一

椒華銘

嘉哉芳椒載繁其實厥味惟珍蠲除百疾肇惟歲首月正元日永

介眉壽曰祈初吉

魏文類聚八十九御覽二十九又九百五十八

魏相國舞陽宣文侯司馬公誄

應期降命篤生我公九德聿修百行兼通文皇踐位龍飛天衢協

贊大命，啓迪靈符。光我聖主，齊德有虞。受茲介祉，封國建畿。人總
納言，敷化衡機。出登上將，奮武明威。皇輿省方，作鎮于許。旌旗旣
反，撫戎荆楚。巴蜀作寇，侵我邊疆。乃眷西顧，董統雍京。丹麾所指，
莫之敢抗。仁濟宇內，威攝外荒。流惠陝西，齊美甘棠。加命九錫，尊
位相國。比王齊魯，已崇殿禮。藝文類聚
四十五

戒火文

余家遭火，屋宇焚盡。器用廓然，乃造于四鄰。目爲戒火文曰：

經籍爲灰，篇章爲炭。初學記
二十五

隸書體

御覽七百四
十九作隸勢

皇頡作文，因物構思。觀彼鳥跡，遂已成意。閱之後嗣，存載道義。口
口口網紀萬事，俗所傳述。實由書記，時變巧易。古今各異，蟲篆
旣繁，草藁近僞。適之中庸，莫尚于隸。規矩有則，用之簡易。隨便適
宜，亦有弛張。操筆假墨，抵押毫芒。彪煥礫落，形體抑揚。芬葩連屬，

溢分羅行。爛若天文之布曜。緯若錦繡之有章。或輕拂徐振。緩案
急挑。挽橫引從。左牽右繞。長波鬱拂。微勢縹緲。工巧難傳。善之者
少。應心隱手。必由意曉。爾乃動纖指。舉弱腕。握素紈。染玄翰。形管
電流。雨下雹散。點點折握。擗挫安案。繽紛駱驛。華藻粲爛。縕細卓
犖。一何壯觀。繁縟成文。又何可翫。章周道之郁郁。表唐虞之輝煥。
若乃八分璽法。殊好異制。分白賦黑。棊布星列。翹首舉尾。直刺邪
擗。繼繼結體。刺彩奮節。或若虬龍盤游。蛇蟬軒翥。鸞鳳翱翔。矯翼
欲去。或若鷺鳥將擊。拜體仰怒。良馬騰驤。奔放回路。仰而望之。鬱
若宵霧。朝升遊烟。連雲俯而察之。凜若清風。屬水漪瀾。成文垂象。
表式有模。有楷。形功難詳。聊舉大體。初學記二十一

鄭默

默字思元。滎陽開封人。仕魏爲祕書郎。轉尚書考功郎。封關內
侯。晉受禪。歷太子中庶子。東郡太守。散騎常侍。咸寧中。拜廷尉。

遷太常免尋拜大鴻臚進大司農轉光祿勳泰康元年卒諡曰成

上言太子官屬不宜稱陪臣

皇太子體皇極之尊無私于天下宮臣皆受命天朝不得同之藩

國晉書鄭默傳

胡烈

烈字武立安定臨涇人魏車騎將軍遵子景元初爲襄陽太守入晉拜秦州刺史涼州叛遇害

表鄧由等歸化

吳賊鄧由李光等同謀十八屯欲來歸化遣將張吳鄧生并送質任克期欲令郡軍臨江迎拔魏志王基傳注引司馬彪戰略

給語親兵及疏與其子

已建密說消息會已作大坑白梃數千欲悉呼外兵入人賜白梃

拜為散將日次檣殺坑中

魏志鍾會傳

王恂

恂字良夫

魏志王肅傳注引郭頒世語作子良

東海人文明王皇后弟魏中領軍

肅子景元末嗣封蘭陵侯咸熙中改封承子累遷河南尹侍中

咸寧四年卒贈車騎將軍

上言景獻羊后服

弘訓太后入廟合食于景皇帝齊王攸不得行其子

禮晉書賈充傳

賜進士出身二品銜廣東等處提刑按察使司按察使兼管驛傳事務黃岡王毓藻松刊

全晉文卷五十九終